



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 37. S. Theodori Studitæ ærumnæ.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX. atque Episcopos electos sine dilatione  
A. C. 819. consecrari.

## §. XXXVII.

*S. Theodori Studitæ ærumnæ.*

*vit. n. 87.* In Oriente Iconoclastæ persecutioni finem non faciebant. S. Theodori Studitæ in Arce Metopenfi detenti fama multos hospites attraxit, qui iter facientes ad eum divertebant. Nec eos arcebant Custodes, tum S. Viri reverentia, tum muneribus, quæ accipiebant, deliniti. Quidam ex Asia Clericus, qui, etsi esset Iconoclasta, viri virtutem maximi faciebat, cum ei fuisset collocutus, non modo errorem dedoctus est, sed etiam usque adeo veritatis amore incensus, ut alios quoque convertendi desiderio flagraret. Domum reversus quemdam Clericum, amicum suum, in suam pertraxit sententiam. Itaque ambo statuunt non amplius communicare cum Episcopo suo, quod ad Hæreticorum partes transisset. Episcopus rem defert ad Imperatorem & Orientis Præfectum, qui illico suorum aliquem ire, & Theodoro quinquaginta plagas flagello infligere iussit. *n. 88.* Qui missus fuerat, nolens hujus sævitæ minister esse, ad pedes S. Senis prostratus veniam inter lacrymas rogavit. Alius vero, cui nomen Anastasius, ad Imperatorem currit,

currit, accusans Præfectum, quod imperata facere neglexisset. Tum ut rei veritatem certissime sciret, ad Theodorum venit, corpus explorat, & cum nulla deprehenderet verberum vestigia, Sancto Viro plagas centum impingit, in carcerem caliginosum & foetentem unacum Discipulo suo Nicolao detrudit, duosque alios in diversos carceres abstrahit.

Theodorus integro triennio in suo ergastulo manere coactus est, in hyeme immodicum frigus, & in æstate calorem maximum tolerans, pediculorum aculeis vexatus, & fame sitique afflictus, nam nihil cibi ei dabatur præter panis frustillum, quo elapso demum biduo per ostiolum, insultantibus ministris, injiciebatur. Aliquando autem vir maxima Dignitate conspicuus per viam publicam, quæ loco proxima erat, iter faciens, cum S. Viri calamitatem a narrantibus intellexisset, jussit, ut ei ipsiusque Discipulo annona sufficiens præberetur.

Inter has vitæ suæ misérias Theodorus nihilominus modum scribendi Epistolas invenit; quippe plurimæ illo triennio scriptæ creduntur. In Epistola ad Naucratium Discipulum suum captivitatem suam describit in hunc modum: *Postquam corpora nostra ad satietatem suam dilaniarunt, ambos in conclave superius miserunt, clausa est janua, & scæ-*

Sæculum IX.  
A. C. 819.

#. 90. 93,

#. 92.

II. ep. 34.

S. Theodorus in carcere.

Hist. Eccles. Tom. XI. H la

**Sæculum IX.** *la remota. Positi sunt custodes, qui accedentes pellant, imo cuncti, qui Arcem ingrediuntur, curiose observantur. Severe prohibitum, ne quis nobis aliud quam panem & lignum det. Illo sustentamur, quod nobiscum attulimus, & quod nobis post longam moram per fenestram immittitur. Quamdiu annona nostrorum, & quod ostiarii hebdomadarii charitativè clam nobis congerit, sufficiet, vivemus, bis deficientibus, moriemur. Neutiquam tamen a bono Deo pro meritis nostris prevariamur.*

**II. ep. 59.**

In alia Epistola S. Theodorus consolatur Congregationem triginta Virginum Religiosarum, quæ e suo Monasterio pulsæ, virgis cæsæ, & a consueto consortio abstractæ in carceribus detinebantur.

**S. Theodori Epistolæ.**

Monasterii Studiensis quoque Alumnis in diversa sparsis, illa Domus, & quæ vulgo *Sacudion* dicebatur, datæ sunt uni ex ipsis Monachis, homini emasculato,

**ep. 31. 37.**

nomine Leontio, qui Mœchianorum factioni se addixerat, & tunc Iconomachorum Principibus adnumerari meruit. Hujus Monachi ruinam S. Theodorus in pluribus Epistolis deflet, quod fratrum suorum persecutor evasisset. Ergo data Epistola S. Abbas afflictis Monachis solatium afferre conatur, & Jacobi, Confratris ipsorum, in carcere ex acceptis verberibus mortui Elogium concinnat.

Item

Item datis litteris Monachos dispersos non solum in Fide, sed etiam in bonis moribus confirmavit. *Fugiamus, inquit, mortifera concupiscentiæ tela! attendamus, quale sit nostrum contubernium; si locus est periculosus, migremus alio. Si scandalum adsit, tollatur. Si, solos esse, nocet, accersamus socium, cum maledictus sit ille, qui solus manet sine necessitate. Cetera omnia solerter observanda, cibus, potus, somnus, labor, atque ita reficiendum est corpus, ut spiritui resistere non audeat.*

S. Theodorus privatas quoque Epistolas dedit ad Episcopos Exules, videlicet ad Theophylactum Nicomediensem, ad Theophylactum Ephesinum, Petrum Nicenum, ad Fratrem suum Josephum Archiepiscopum. Præterea iisdem scripsit Epistolam simul ad omnes directam, in qua rogat, ut se consolentur, & erudiant. *Per litteras docete me, inquit, quomodo Iesus Christus in imagine sua adorandus sit. An sit alterius generis adoratio, ac ea, qua ipsemet adoratur, quod dicunt Hæretici, aut an sit eadem adoratio, quod nos dicimus? ne forte imaginis materiam adorem.*

## §. XXXVIII.

*Regulæ de Pœnitentia.*

Sanctus Theodorus in pluribus Epistolis

H 2

agit

Sæculum IX.

A. C. 819.

ep. 58.

ep. 100.

ead. ep. 37.

Eccles. 4. 10.

II. ep. 4. 26.

41. 70. 25.

101. 9. 31.

ep. 87.